

EKSIGENSIANAN DI KALIDAT AKOHIDA DI MUCHA



BES(t) 4 KIDS

Tur sentro di mucha i tur asina yamá ‘gastouderopvang’ (akohida dor di mayornan ku ta wak pa mucha) mester disponé di un pèrmit di operashon pa suministrá akohida. Pa haña i mantené e pèrmit akí, e akohida di mucha mester kumpli ku un par di eksigensia di kalidat. Akibou por haña e eksigensianan. Tin bes e eksigensianan pa ‘gastouderopvang’ ta un tiki diferente di esnan pa un sentro di mucha. Den e kaso ei tin un * pará patras di e título.



Akohida di mucha responsabel

Un sentro di mucha i gastouderopvang ta ofresé ‘akohida di mucha responsabel’. Esei ta nifiká ku:

- Ta ofresé e mucha protekshon emoshonal den un ambiente safe i salú
- Ta stimulá e abilidadnan personal i sosial di e mucha
- Ta promové sosialisashon di e mucha pa medio di traspaso di balor- i normanan ku ta komun aseptá
- Ta tene kuenta sèmper ku e fase di desaroyo ku e mucha ta den

Wak pa mas informashon artíkulonon 10 i 11 di e ordenansa.



Plan di maneho pedagógiko*

Kada sentro di mucha tin un plan di maneho pedagógiko. Ei den tin deskribí kon:

- Ta duna contenido na ‘akohida di mucha responsabel’ (wak artíkulo 11)
- Ta sigui i stimulá e desaroyo di e mucha
- Ta hasi esfuerso pa un liña di desaroyo kontinuo
- Ta duna contenido na siguridat sosial pa e mucha i e personal
- Ta prevení retraso den desaroyo i siñansa i hasi edukashon pre eskolar
- Ta anda ku e mucha ku tin mester di kuido speshal
- Ta organisá e programa di aktividat i ritmo di dia
- Ta duna tarea na profesionalnan ku ta den formashon, stazjèr- i boluntarionan

Pa gastouderopvang ta sufisiente pa stipulá di ki manera ta ofresé ‘akohida di mucha responsabel’ (manera deskribí den artíkulo 11).

Wak pa mas informashon artíkulonon 12 i 13 di e ordenansa.



Personal kualifiká*

Pa ofresé akohida di mucha responsabel i kualitativamente bon ta nesesario pa e profesionalnan ta bon formá:

- Profesionalnan i ‘gastouders’ tin òf ta (dispuesto pa) sigui un estudio pedagógiko riba aloménos nivel MBO-3
- Den un sentro di mucha òf gastouderopvang tin sèmper bai un adulto presente ku ta kualifiká pa duna promé asistensia na mucha
- Un sentro pa mucha tin banda di esei minimal un profesional ku un formashon riba nivel MBO-4 dirigí riba siñalá retrasonan den desaroyo i siñamentu. E persona akí ta minimal tres dia pa siman presente

Wak pa mas informashon artíkulonon 14 i 15 di e ordenansa.



Deklarashon tokante kondukta

Tur adulto ku ta traha pa un sentro di mucha òf gastouderopvang mester entregá un VOG. Esaki ta konta tantu pa profesional- komo boluntarionan. E deklarashonnan, na momentu ku entregá nan, no ta mas bieu ku tres luna i mester aktualisá nan kada dos aña.

Wak pa mas informashon artíkulo 16 di e ordenansa.



Alimentashon salú

Un sentro di mucha òf gastouderopvang ta sòru pa alimentashon saludabel. Pa esaki por hasi uso di e instrukshonnan di entidat públiko

Wak pa mas informashon artíkulo 20 di e ordenansa.



Plan den fase violencia doméstiko i maltrato di mucha*

Kada sentro di mucha ta disponé di un plan den fase di violencia doméstiko i maltrato di mucha. Akiden tin deskribí kua pasonan e personal ta tuma den kaso di señalnan di violencia doméstiko òf maltrato di mucha. Ta trata akí di e siguiente pasonan:

- Inventarisá señal- i preokupashonnan mas konkreto posibel
- Pidi konseho na un kolega i/òf e koordinadó di denuncia
- Hiba kombersashon ku e mayornan i, si ta nesario, ku e mucha
- Evaluá tipo i seriedat di e violencia doméstiko òf maltrato di mucha
- Disidí: organisá ayudo i/òf mèldu serka e koordinadó di denuncia

Adishonalmente riba e pasonan akí un sentro di mucha por aña un di e siguiente elementonan:

- Un cuadro di análisis a base di kua kolaboradónan por evaluá riesgo, tipo i seriedat
- Asignashon di responsabilidatnan (final) na e personal
- Atenshon spesífiko pa forman partikular di violencia
- E forma ku e personal ta anda ku datonan konfidensia

Gastouderopvang ta apliká e plan di fase ora e gastouder tin señal di violencia doméstiko òf maltrato di mucha.

Wak pa mas informashon artíkulo 17 di e ordenansa.



Suficiente espasio*

E espasionan paden i pafó di un sentro di mucha i gastouderopvang mester ta safe, aksesibel i mester kuadra ku e edat di e muchanan i grandura di e grupo:

- Kada stamgroep den un sentro di mucha ta disponé di su propio espasio fihó (máximo 2 diferente espasio pa stamgroep pa siman)
- Tin suficiente espasio pa hunga paden ku bon ventilashon (den un sentro pa mucha esei ta mínimo 3m² pa mucha)
- Tin un lugá di hunga pafó ku hopi sombra ku ta safe pa yega (den un sentro di mucha esei ta mínimo 3m² pa mucha)
- Tin un espasio separá pa drumi ku bon ventilashon pa muchanan te un aña i mei

Wak pa mas informashon artíkulo 21 di e ordenansa.



Akohida stabil i kantidat di profeshonal*

Ta akohé e muchanan maksimal 11 ora pa dia den un asina yamá stamgroep (grupo fihó), ku:

- Tin un grandura máximo basá riba edat di e muchanan
- Tin un kantidat minimal di profeshonal pa kada 'stamgroep'
- Tin mas tantu profeshonal fihó posibel

E kantidat di profeshonal ta adaptá na edat i kantidat di mucha den un 'stamgroep'. Mas chikito e muchanan ta, mas profeshonal tin mester. E grandura máximo di e gruponan i e kantidat mínimo di profeshonal ta stipulá den e ordenansa, anekso 1. Profeshonalnan den formashon ta inkluí solamente si nan ta hopi avansá ku nan estudio. Por hasi uso di stazjènan solamente komo 'èkstra'.

Den kaso di gastouderopvang e grupo ta konsistí di máximo seis mucha, ku máximo 3 mucha di o aña te un aña i mei. Yunan propio i yunan di miembronan di famia tambe ta inkluí den esaki.

Wak pa mas informashon artíkulonon 18 i 19 di e ordenansa.



Maneho di siguridad i salú*

Kada sentro di mucha i gastouderopvang tin un maneho di siguridad i di salú. Pa un sentro di mucha den esaki tin pará e forma ku bo:

- Ta sòru pa e maneho ta un proseso kontinuo
- Ta deskribí e riesgonan mas importante ku tin konsekuensia grandi pa siguridad i salú di e muchanan
- Ta tuma medida pa limitá riesgonan ku tin konsekuensianan grandi
- Ta tuma medida pa limitá riesgonan di komportashon ku no ta aseptabel (E prinsipio di Kuater Wowo)
- Ta aktua ora riesgonan ku tin konsekuensianan grandi presentá
- Ta deskribí i restringí riesgo di komportashon ku no ta aseptabel
- Ta siña e muchanan anda ku riesgonan ku tin konsekuensianan limitá
- Ta anda ku organisashon, siguridad kontra kandela, situashon higiéniko i siguridad
- Ta hasi e maneho komprendibel pa personal i mayornan

'Gastouderopvang' tin un maneho ménos amplio, pero e maneho di siguridad i salú ku nan ta apliká mester ta stipulá si.

Wak pa mas informashon artíkulonon 22 i 23 di e ordenansa.

Continue on the back >



Komishon di mayor*

Embolbimentu di mayornan ta importante pa desaroyo di mucha i desaroyo di e kalidat di akohida di mucha. P'esei un sentro di mucha ku mas di 50 mucha tin un komishon di mayor. Den e reglamentu tin en todo kaso pará:

- **E kantidat di miembro di e komishon di mayor**
- **E manera ku ta skohe e miembronan**
- **Durashon di e periodo ku e miembronan tin asiento**

E tópikonan riba kua mester konsultá ku e komishon di mayor, ta por ehèmpel: e maneho pedagógiko, alimentashon, siguridat, salú, orario ku ta habri, areglo di keho i (kambionan den) preis di e akohida pa mucha. E sentro di mucha por desviá solamente bon argumentá di e konseho di e komishon di mayor.

Si e sentro di mucha a hasi esfuerso, pero no a logra instituí un komishon di mayor, un forma alternativo di partisipashon di mayor ta suficiente. Pa sentronan mas chikí di mucha i gastouderopvang tambe ta suficiente si tin un forma di partisipashon di mayor.

Wak pa mas informashon artíkulonon 24 t/m 26 di e ordenansa.



Prosedura di keho*

Tur sentro di mucha mester tin un komishon di keho independiente. E komishon di keho ta atendé kehonan tokante komportashon kontra un mayor òf un mucha i tokante e komenio entre e sentro di mucha i mayor. Un prosedura di keho mester ta stipulá por eskrito i mester ta konosí serka e mayornan. E prosedura di keho ta deskribí kon e komishon di keho:

- **Ta risibí, investigá i husga un keho**
- **Ta tuma desishon riba un keho**
- **Ta sòru ku ta ehekutá medidanan**
- **Ta informá e persona ku a entregá un keho**

Un 'gastouderopvang' no tin mester di un prosedura di keho.

Wak pa mas informashon artíkulo 27 di e ordenansa.



Bo tin pregunta tokante e ordenansa òf e eksigensianan di kalidat? Tuma e ora ei kontakto ku:

Boneiru

Tamara Nicolaas, Lider di proyekto BES(t) 4 Kids, sekshon Edukashon i Bienestar
tamara.nicolaas@bonaigov.com

Saba

Rosalyn Johnson, lider di proyekto BES(t) 4 Kids
rosalyn.johnson@sabagov.nl

Sint Eustatius

Angela Dekker, lider di proyekto BES(t) 4 Kids
Sarsapillas@gmail.com

Carol Jack-Roosberg, direktorado di área sosial
c.j.directie.m.w@statiagov.com